



SLOVENIJA - SEVEDA!

Jokati, upati, vžgati, megla, žalitev, pokopališče, resnica...

Samo pokušavam, kao i svaki drugi potencijalni "gastarbajter", odabrati glagole i imenice kako bih na jeziku dežele objasnio zašto sam došao. Žalim što u spektar znanja medicinske i kontinuirane edukacije nije bilo uključeno učenje slovenačkog jezika, jer bih "ladno" mogao da odem i tečno izgovorim: "dobar den, ja sem prihajal".

No, ipak se ne brinem. Oni su razumni ljudi, daju ti dovoljno vremena da naučiš jezik. A poslije ti daju da radiš. A kad radiš dobiješ sve redom: pristojnu platu, poštovanje, usavršavanje, kongrese... Iznova, u ogledalu dobiješ lik ljudskog bića.

A tek radno mjesto! Toplo, čisto, kanalizacija uredna, krov ne prokišnjava, u WC-u ima vode... Osoblje ljubazno, smješkaju se, nude pomoć... Bože, gdje sam do sada bio!?

Po hodnicima se ne priča, kao kod nas, da li je ministar "prešao" sindikalce ili oni njega, da li će zdravstvo zbog -0,5% potonuti ili će se ubledjeli penzioneri sa +0,5% udebljati.

Kod nas se samo nagađa koliko je zaposlenih u fondu zdravstva, agencijama u zdravstvu, upravama, i drugim strukturama. Kažu, i da neko smije, ne bi mogao izračunati broj velikih i malih direktora, pomoćnika, sekretara, savjetnika, ulizica... I svi na platnom spisku zdravstvenih osiguranika.

Ne vrijedi jokati, džaba se upati, treba vžgati iz ove megle, a ko bude počakal resnicu pre bo završil v pokopališču.

Zdravnik je ljekar, zdravilo lijek, zmaga pobjeda. Slovenija je Slovenija - seveda!

Prof. dr. Gostimir Mikač